

बन्नासा जन्मीया चोटिला रे माय,
दोहा ओम बन्नासा री महिमा गावु,
सुनजो ध्यान लगाय,
चोटिला मे अवतरीया,
राठौडा घर माय ।

शूरमा जन्मीया जन्मीया,
चोटिला रे माय,
भोमिया जन्मीया जन्मीया,
चोटिला रे माय,
सोना री कठारी नारा मोरीया ओ जियो,
अरे भाईडा बाज्या बाज्या,
जन्मतेडा सोवन थाल,
भाईडा बाज्या,
जन्मतेडा सोवन थाल,
घर घर बटाया रे बधावना ओ जियो ॥

अरे भोमिया सिवरे,
जकोरी करजो सहाय,
भोमिया सिवरे,
जकारी करजो सहाय,
गाया ग्वालों री रक्षा राखजो ओ जियो ॥

अरे भाईडा बाज्या बाज्या,

ढोला रा ढमकार,
भाईडा बाज्या ढोला रा ढमकार,
जोशी बुलावन सैया निसरी ओ जियो ॥

अरे जोशी जी सुनलो,
थेतो म्हारा समाचार,
जोशी जी सुनलो,
थेतो म्हारा समाचार,
थाने बुलावे मोटे रावले ओ जियो ॥

अरे जोशी जी लेलो,
थारा वेद ने पुराण,
जोशी जी लेलो थारा,
वेद ने पुराण,
जुना जुगा रा लेलो टिपना ओ जियो ॥

अरे जोशी जी देखो थारा,
वेद ने पुराण,
जोशी जी देखो थारा,
वेद ने पुराण,
जुना जुगा रा बाचो टिपना ओ जियो ॥

अरे ठाकरा छोको नक्षत्र,
छोको वार ठाकरा,
छोको नक्षत्र ने छोको वार,
छोकी घडी मे शूरो जन्मीयो ओ जियो ॥

अरे ठाकरा जुग मे होवेला,
अमर नाम,
ठाकरा जुग मे होवेला,
अमर नाम,
कुल मे होवेला थारे देवता ओ जियो ॥

अरे बन्नासा कलयुग माई,
मोटा थेतो देव बन्नासा,
कलयुग माई मोटा थेतो देव,
भगता रे बुलाया वेगा आवजो ओ जियो ॥

अरे बन्नासा चोटिला मे,
बनीयो थारो धाम,
बन्नासा काकड़ माई,
बनीयो थारो धाम,
दूरा देशारा आवे यात्री ओ जियो ॥

अरे बन्नासा मेलो लागे,
सातम वाली रात,
बन्नासा मेलो लागे,
आठम वाली रात,
सिवरीया भगता रे वेले आवजो रे जियो ॥

बन्नासा जन्मीया चोटिला रे माय,
भोमिया जन्मीया जन्मीया,
चोटिला रे माय,
सोना री कठारी नारा मोरीया ओ जियो,

अरे भाईडा बाज्या बाज्या,
जन्मतेडा सोवन थाल,
भाईडा बाज्या,
जन्मतेडा सोवन थाल,
घर घर बटाया रे बधावना ओ जियो ॥

गायक प्रकाश माली जी ।
प्रेषक मनीष सीरवी ।
(रायपुर जिला पाली राजस्थान)
9640557818

Source: <https://www.bharattemples.com/bannasa-janmiya-chotila-re-maay/>



Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZjyhhKzSUD-Lt9Tw>